

東醫西寶鑑  
上

日本原刻

東醫寶鑑

浦水金禹孫著





訂正東醫寶鑑序

東醫寶鑑二十五卷朝鮮國醫  
許浚所輯也分辨內景外形湯  
液鍼灸雜病而古今衆說如察  
諸於掌可謂醫業校稽之一助  
乎此書齋來者寡故世人罕知

之於是

命醫官法眼源元通加之訓訂附

之剗剗使

僕

爲之序按醫亦學

問之道也其教多術焉未有其

學不朏而其術精者欲朏其學

則不可不以多讀書矣近世之



醫有恆言曰治病而已奚必讀書然後治病是言之戾也治病之法豈其書之外乎哉今夫方技之肱非不折而所見者異也所見者異則疑惑錯亂其弊係於死生一大事可不慎歟其學

明則不疑惑其術精則不錯亂  
如其治案瞭瞭然非富青囊者  
不能焉醫之書蓋百無數雖博  
覽之人敢以一朝一夕而究測  
之乎況資財乏用之輩安能藏  
蓄之乎苟爲讀書然後治病則

數十年間空拳張圍何益之有  
此書行則無此累焉凡百姓之  
疾病得免於死亾而衛生之道  
大補於後世矣於戲

官之慮當世與後世者可以對揚

早焉因序



享保八年癸卯孟春中旬

從五位下守大學頭藤原朝臣

信篤謹識



東醫寶鑑序

東醫寶鑑二十三篇朝鮮國醫許浚

奉其國君之教而纂日本醫官源元

通為之訓訂卷首有序偁享保癸卯

者乃

皇朝雍正紀元之歲然浚為是書不

著年月不詳其何時人案之所引歷  
代醫方殆作於明季者與其書以內  
景外形襍病湯液鍼砭五者為大綱  
各以其類列為目又析為子目條分  
而件繫之每舉一類必攷其原始究  
其終極證以脈法然後羅列諸方必



詳必備釐然秩然所引書一軌於正  
各注所從出示非臆斷誠醫學中徵  
實之書也特首篇內景既襲黃庭以  
為名復於條例申言其旨至謂道得  
其精醫得其麤宗尚老氏之說自蹈  
於虛斯異乎徵實者之所為矣夫醫

之為教也上古聖人嘗味艸木分別  
氣味以療諸疾病祇欲以祛人之所  
害而得終其天年非謂有醫而人可  
無死也天之生萬物也一艸木之細  
滋長衰落各有時一昆蟲之微胎息  
委蛻亦有時人之生也少而壯壯而



衰衰而死皆常道也顧人既靈於萬  
物其欲亦遂勝於萬物欲勝故喜怒  
哀樂戰於中富貴利達擾於外於是  
乎寒暑陰陽得抵隙以入而札瘥天  
昏之患以興使世有良醫而人能免  
於札瘥天昏得如周官所謂十全為

上者且不可必又安得而有長生不死之道乎如其有之則徐福何以遁於海文成不當罹於刑而不死之藥

宜有傳於世也所謂古之良醫必切

脈望色聽聲寫形猶懼未至而暇為

謬悠荒遠之說乎哉其為謬悠荒遠



之說者乃方士之故習非醫宗之正  
軌且古人之製方也探索病源參攷  
藥性配以君臣之位酌以輕重之宜  
非偶然為之而已而後又謂古方分  
兩太多卒難備用改從古今醫鑑萬  
病回春每劑折作七八錢或一兩以

為多寡適中此尤不學之過矣夫古  
時升斗權衡本不與今同陳無擇云  
漢錢文曰半兩則漢方當用半兩錢

二枚為一兩徐大椿親見漢時六升銅

量容今一升二合皆有根據非若干金  
方之以古三兩為今一兩以古三升



為今一升猶為鑿空而談也是古方  
分兩固未嘗多浚既不深故輒用刪  
改武斷孰甚焉惟其蒐采多古書條  
理分明引據賅洽有足裨於談軒岐  
之學者惜乎溺於異氏之說又果於  
師心自用自玷其書故特揭之以破